




元亨親賢

二十
六

江戶
松平
定信

特別
ハ4
5587
14





元亨釋書卷第二十五

資治表六

濟北沙門

師鍊

撰

起天曆至承
保合十一君

△天曆皇帝

第六十二号村上天皇

元年春正月复四月丁巳改元天曆秋七月
冬十月

天曆元年丁未正月不書即位去歲四月
二十八也帝昌泰第十四子諱成明四月



改元二十二也此歲當五代漢高祖天福元年也

二年

天曆二年

三年

天曆三年

四年

天曆四年

五年

天曆五年

六年春三月太上皇祝嘏攝法華堂于醍醐寺復秋冬

天曆六年三月二十四上皇出家居佛陀

寺醍醐法華之材移清涼殿材也

七年春二月修天下廢寺祠起塔于雲林寺復秋八月寫大藏經冬

天曆七年八月寫藏五千四十八卷薦上皇也

八年春二月慶法性寺塔復秋冬十有二月藤僕射師輔宿睿山

天曆八年十二月初五良源法師延元興寺義昭於延曆寺修法華八講四日右僕

射登山聽講

九年春正月講法華經千弘徽殿復秋冬

天曆九年正月寫金字法華乃延名德於弘徽殿啓講席敕親王公卿各捧金玉羅紈繞階昇殿行觀薦母皇太后也

十年

天曆十年

十有一年春夏秋冬十月庚辰改元天德

天德元年十月二十七改

十有二年春正月沙門延昌爲僧正夏秋冬

台山第十六代座主号平等房

天德二年

十有三年

天德二年

十有四年春夏五月轉經于十五大寺秋七月僧正延昌修法于大日院九月轉大般若經于清凉殿昌師修法于仁壽殿冬

天德四年五月十五大寺讀經除疫也七月大日院修熾盛光法攘災也九月沙門四十人讀經於清凉殿及仁壽殿熾盛光修共攘災也

十有五年春二月庚辰改元應和三月施布
帛于三大寺僧正延昌修無量壽智決定如
來法于延曆寺沙門寬空修孔雀經法于冷
泉院夏四月轉經七大寺及諸國分寺冬十
有一月帛師修安鎮法供一萬砂門
應和元年二月改元十六也三月初四東
大興福延曆三寺施布帛攘災也四月轉
經除疫也初二月大内火十一月移新宮
詔延昌修安鎮法

十有六年

應和二年

十有七年春三月慶雲林寺塔天皇幸之夏
秋八月沙門良源法藏衡講于清涼殿冬

應和三年三月十九雲林寺塔成帝幸落
慶之席八月二十一設法華講筵于清涼
殿延南北都名德二十人五日十座論詮
至理初日朝坐南觀理爲導師北餘慶問
者夕坐南安鏡爲導師北能慧問者二十
二朝導南安秀問北賀秀夕導南法藏問

北覺慶二十三朝導北良源問南平州夕
導北禪愉問南千到二十四朝導北智興
問南真義夕導南湛然問北崇壽二十五
朝導北壽肇夕導北聖救問共南仲筭二
十六散導師觀理也於是乎第二日法藏
立定性二乘不成佛義覺慶問難不明源
踰次詰徵相台交鋒法戰夜深第三之日
良源本導法藏新問平州束手無分法藏
詞屈于時戶部尚書滕文範以謂南京者

春日明神之管內也南衆不競是明神之
患也我爲其胤蓋負乎後二日不可失
也便潛馳赴南中心私誓我願於春日祠
側必遭英才相將還都神亦真其助果祠
側逢沙門仲筭筭問宮講藤公告實咬齒
伴來初仁賀圓藝爲第五日朝夕問者筭
代賀藝詞義壯麗藤公以爲不徒馳也
十有八年春正月僧正延昌寂復秋七月癸
未改元康保沙門寬空爲僧正冬

康保元年七月初十改

十有九年 康保二年

二十年 康保三年

二十有一年春復五月癸巳天皇崩秋冬

康保四年五月帝不預十四出家法諱覺
貞二十五禪位太子即日崩尋常天子出
家皆書曷為不書臨崩也何不書禪位臨
崩也

△安和皇帝

第六十三号 冷泉院 村上子

元年春正月夏四月秋八月癸亥改元安和
冬十月

安和元年戊辰正月不書即位去歲十一
月十一也帝天曆第二子諱憲平三月十
一沙門寬忠為律師兵部尚書敦固親王
第三子寬平之孫也王孫任僧綱自忠始
不書微也八月改元十三也此歲當趙宋
太祖開寶元年也

二年春夏秋八月戊子天皇禪位千皇太子

冬

安和二年八月受禪十三也

天祿皇帝

第六十四号國融院村上子

元年春三月丙寅改元天祿復四月秋七月冬十月

天祿元年庚午正月不書即位去歲九月二十三也帝天曆弟五子諱宇平三月之改元二十五也此歲當開寶三年也

二年

天祿二年

三年春二月僧正寬生寂復秋冬

天祿三年

四年春二月沙門神鎮礼宋得二州講師夏秋冬十有二月庚子改元天延

天延元年二月藥師寺食堂火延及講堂比丘鎮宗二人救火大毀不燒知事錄奏老尚書左丞源涉入寺覆覈得事實敕神鎮為參州講師礼宋和州曷為書得幸得也十二月改元二十也

五年春夏五月置讀經論義于宮中秋冬
天延二年五月初七宮中設讀經論義四
時有之凡五番一運源勸綜二仁幹光休
三奮然源信四禪詮玄明五賀秀真義

六年

天延三年

七年春夏秋七月戊寅改元貞元冬

貞元元年七月十三改

八年春夏秋七月沙門陽生修安鎮法冬十
月沙門寬靜良源為僧正

貞元二年初元年五月大内火今茲七月
移新宮先令陽生修安鎮法十月之僧正
良源權也

九年春夏四月丁卯改元天元秋冬

天元元年四月十三改

十年

天元二年

十有一年

天元三年

十有二年春夏秋八月僧正良源加大沙門
寬朝尋禪為僧正冬

台山第十九座主号慈恩僧正

天元四年七月帝患瘡召良源加持愈故
為大僧正行其之後無大號經二百年源
乃任同日朝禪為僧正禪權也

十有三年春正月侍中平恒昌涉睿山徵座
主良源夏秋冬十有一月沙門奮然赴宋
天元五年台山有法闍流言慈覺徒欲燒
千手院院有智證經藏朝廷恐法藏灰故
勅平侍中上山告諸耆宿固守經藏莫令
受燼時良源為座主或奏源為爭地故使

使徵源源抗表陳奏尋常入山皆書上易
為書涉檢問使也良源為大僧正蓋書官
時為座主也又受讒也豈讒云乎純正無
疑于疑受讒于疑者源之罪也

十有四年春三月慶圓融寺納封戶于寺集
四月庚子改元永觀秋冬

永觀元年三月二十二寬朝僧正慶圓融
寺落二十五納封一百戶四月改元十五
也

十有五年春。夏秋八月庚子。天皇禪位于皇太子。冬。

永觀二年八月二十三。太子受禪。今茲八月八。僧都元果兼法務。大僧正良源正寬朝先管法務。時有三法務。

△寬和皇帝 第六十五号 花山院 冷泉子

元年春正月。大僧正良源寂。二月。皇太后建觀音院。夏四月己亥。改元寬和。秋八月。天祿上皇祝髮。冬十月。

寬和元年乙酉正月。不書即位。去歲十月。初十也。帝安和長子諱師貞。二月。皇太后畱子於台山西麓。建觀音院。四月。改元二十。五也。八月二十九。太上天皇從寬朝出家。法諱覺如此。歲當太永隆熙二年也。

二年春夏四月。太上天皇受戒于東大寺。六月己未。天皇祝髮于花山寺。聖筭一十有九。秋冬十有二月。僧正寬朝加大。

寬和二年四月。天祿上皇受戒。六月二十。

二中夜帝潛出宮幸花山寺剃髮法諱入
覺書聖壽貴也曷爲貴妙齡果決也

△永延皇帝第六十六号一條院園勳子

元年春二月沙門喬然至自宋夏四月丁酉
改元永延秋七月冬十月道皇幸南京諸寺
永延元年丁亥正月不書即位去歲七月
二十二也帝天祿長子諱懷仁四月改元
初五也此歲當雍熙四年也
二年春三月慶圓融寺塔夏秋冬

永延二年

三年春復秋八月丙辰改元永祚冬十月僧
正尋禪賜封戶

永祚元年八月改元初八也尋禪封一百
戶

四年春三月道皇灌頂于東寺復秋冬十有
一月戊子改元正曆

正曆元年三月天祿上皇從大僧正寬朝
灌頂十一月改元初七也

五年春二月辛亥天祿道皇崩僧正餘慶寂
夏秋七月沙門真義為僧正冬

正曆二年二月道皇之崩十二也

六年春夏秋冬慶法住寺

正曆三年

七年 正曆四年

八年春夏秋冬十有一月沙門暹賀為僧正

定僧正正權

正曆五年十一月暹賀任僧正救曰自今

隆圓十五歲而
仕僧都少年
僧綱自隆始

僧正正權可依臘次蓋真義少賀為正故
有此詔此日沙門隆圓直任僧都年一十
五僕射藤道綱弟六子少年僧綱自此始
九年春二月戊戌改元長德夏秋冬

長德元年二月二十二改

十年 長德二年

十有一年春夏四月議宋國新書秋冬

長德三年四月宋書議在勸修事中

十有二年春夏六月大僧正寬朝寂秋八月

僧正暹賀寂冬十有二月沙門勸修為僧正

長德四年

十有三年春正月丁卯改元長保夏秋冬

長保元年正月十三改

十有四年春二月僧正真義寂三月僧正勸修加大覺慶為僧正復秋八月沙門寂昭赴

宋冬

長保二年

十有五年春三月修大仁王會轉壽命經千

大極殿復秋冬十月大僧正勤修沙門明豪賜封戶僧正寬慶加大明豪為僧正

長保三年春天下疫三月仁王會除疫也

又於大極殿命一千沙門轉壽命經

十有六年春夏秋七月僧正明豪加大沙門

雅慶勝算為僧正尋光得律師八月大僧正

明豪寂冬

長保四年七月慶算二師為僧正自此不言正權依正曆五年詔也是日沙門尋光

爲律師尋常律師不書曷爲書毀也曷爲
毀得覺慶之讓也讓何朝廷有賞賜僧官
慶啓讓端故毀書然何不毀度者度淺官
深君子言其深不言其淺焉

十有七年春三月沙門聖清得法印大和尚
位夏秋冬

長保五年三月聖清任法印散位之始也
十有八年春夏秋七月壬寅改元寬弘冬
寬弘元年七月二十改

十有九年

寬弘二年

二十年

寬弘三年

二十有一年

寬弘四年

二十有二年春二月巳亥寬和道皇崩夏秋
七月大僧正勸修寂冬

寬弘五年

二十有三年春夏六月定講寂勝王經于內
殿秋冬

寬弘六年六月十九延名德宮中講論寂

勝王經五日立為式先代或行或止自今
為例故書定

二十有四年春三月慶讚佛像經文復秋冬
寬弘七年

二十有五年春復四月僧正雅慶加大五月
慶讚大藏經十一條院六月甲子天皇崩秋
冬十月僧正勝算寂

寬弘八年六月十三讓位二十二帝崩

△長和皇帝

第六十七号三條院 冷泉子

元年春正月復四月秋七月冬十月大僧正
雅慶寂十有二月戊子改元長和

長和元年壬子正月不書即位去歲十月
十六也帝安和第一子諱居貞十二月改
元二十五也此歲當真宗大中祥符五年
也

二年春夏秋冬十有二月沙門明救擢僧正
僧正慶圓加大

長和二年初帝即位後耳目不明十一月

詔明敕修法于仁壽殿帝夢明救左右耳
日月出乃入我双眸覺後聰明如元十二
月授僧正

三年春夏秋冬十有一月大僧正覺慶寂

長和三年

四年

長和四年

五年春正月甲戌天皇禪位于皇太子夏秋
冬

長和五年正月二十九讓位

△寬仁皇帝

第廿八号後一條院一條子

元年春正月庚辰四月辛卯改元寬仁秋七月
冬十月

寬仁元年丁巳正月不書即位其歲二月初七也
帝永延第二子諱敦成四月改元二十三日也
此歲當天禧元年也

二年

寬仁二年

三年春三月太相國藤道長薨秋九月
受戒于東大寺大僧正慶圓寂冬十月僧正

濟信加^大

寬仁三年九月藤相國出家受戒

四年春三月大僧正濟信聽牛車夏秋七月

僧正明救寂冬十月道相受戒于睿山

寬仁四年三月濟信許牛車沙門牛車自

信始道相何藤相也猶寬平稱道皇也

五年春二月丁未改元治安夏秋冬

治安元年二月初二改

六年春夏秋七月道相慶法成寺天皇幸之

沙門牛車
自濟信始

定朝得法橋上人位冬
治安二年七月十四道相落慶法成寺帝
率后妃太子百僚幸寺定朝何佛工也何
不族工也工何登綱位朝造法成寺佛像
好道相大悅擢綱位工人綱位朝爲始君
子曰藏文仲祭爰居三日而死朝何不遄
死乎

七年春夏秋冬十月道相上高野山十有二
月僧正深覺加^大

治安三年十月道相詣金剛峯寺取路南
京禮謁七大寺

八年春夏秋七月庚戌改元萬壽冬

萬壽元年七月二十改

九年

萬壽二年

十年春正月太皇太后落髮復五月釋心譽
賜封戶秋冬

萬壽三年正月太后上東門院出家五月
心譽封七十戶也尋常封戶不姓曷爲書

姓褒也曷爲褒帝病召譽加持乃愈帝悅
賜封戶此回非恩惠故書姓而褒

十有一年春復秋冬十有一月天皇幸法成
寺納封戶供沙門一万人十有二月甲子道
相藤道長薨

萬壽四年冬道相疾於法成寺帝幸問之
因納五百戶于寺又供南北二京比丘万
人

十有二年春復五月僧正院源寂秋七月戊

午改元長元冬十有二月釋心譽擢僧正
長元元年七月改元二十五也十二月初
四心譽為道相期忌導師帝感唱演即坐
授僧正

十有三年春夏秋八月僧正心譽寂冬十有
二月大僧正濟信深覺賜封戶

長元二年十二月二僧正封各七十五戶
十有四年春夏六月大僧正濟信寂秋八月
太皇太后慶東北院僧正慶命賜封戶冬

長元三年八月二十一太皇延僧正慶命
落慶東北院封七十戶依慶賞也

十有五年春夏五月釋仁海賜封戶秋冬十
有二月沙門永圓為僧正

長元四年五月仁海封七十戶依仁賞也
書姓見應也

十有六年

長元五年

十有七年春夏秋冬十有二月沙門明實為
僧正

長元六年

十有八年春復秋九月沙門教團為阿闍梨
長元七年十二月教團為阿闍梨阿闍梨
官自圓始

十有九年

長元八年

二十年春夏四月乙巳天皇崩秋冬

長元九年四月十七帝崩

長曆皇帝

第六十九号後朱雀院 一条三子

元年春正月夏四月甲子改元長曆五月沙

門成典賜封戶秋七月冬十月

長曆元年丁巳正月不書即位去歲七月

十四也帝永延第三子諱敦良四月改元

二十一也五月成典封七十五戶此歲當

仁宗景祐三年也

二年春復六月釋仁海沙門成典為僧正秋
冬

長曆二年六月海典二師為僧正易為姓
海族典海擢兩感故書姓典丁序選故族

三年春夏五月太皇太后受戒秋冬

長曆三年五月上東門院受戒于僧正明尊

四年春正月僧正永圓明尊受封戶復秋九月天皇遷幸東北院冬十有一月壬辰改元長久

長久元年正月圓尊二師封各七十五戶遷幸何九月初十京極離宮火大內未成故幸東北院書遷非法事也十一月改元

初十也

五年春復五月問園城寺戒壇于諸宗秋冬十有二月轉經于宮中

長久二年五月十四日問三井戒壇立不事在度受志

六年

長久三年

七年春夏五月釋仁海聽輦車秋冬

長久四年復旱五月初八仁海法事於神泉苑十三大雨十五許輦車

八年春夏秋冬十月僧正成典寂供一万沙
門十有一月丙戌改元寬德

寬德元年十月二十七、一万比丘供祈道
唐病也十一月改元二十八也

九年春正月乙亥天皇崩復秋冬

寬德二年正月十八帝崩

△永承皇帝

第七十号後冷泉院後朱雀院長子

元年春正月夏四月甲子改元永承五月僧
正仁海寂秋七月冬十月

永承元年丙戌正月不書即位去歲四月
初十也帝長曆長子諱親仁四月改元十
四也此歲當慶曆六年也

二年

永承二年

三年

永承三年

四年春夏秋冬十有一月獻佛舍利于天下
神祠十有二月沙門真範為僧正

永承四年十一月諸祠舍利各一粒也

五年

永承五年

六年春三月庾僕射滕公慶平茅院宮中置
時經會夏秋冬

永承六年三月藤公賴通改宇治別業号
平茅院落之二十八時經會沙門延幸爲
導師齊朝問者垂少於朝而爲導已講也
時經會何初宮中四時延沙門讀經今茲
設講論故曰時經會書宮中于上婉文也
七年春正月轉經于大極殿夏四月修仁王
會于豐樂院慶讚大品般若經于賀茂神祠

六月轉經于大極殿秋冬

永承七年正月一千沙門讀觀世音經于
大極殿攘疫也今茲疫甚四月仁王會大
品經慶讚四部及六月大極殿一千比丘
讀金剛壽命經皆除疫也

八年春正月壬子改元天喜夏秋冬

天喜元年正月十一改

九年

天喜二年

十年春夏秋冬十月慶圓乘寺

天喜三年十月二十五圓乘寺落慶薦長
曆帝也寺在仁和寺

十有一年 天喜四年

十有二年春三月僧正明眞明快賜封戶夏
秋冬

天喜五年三月二僧正封各七十五戶眞
慶崇福寺新成快慶法成寺八角堂二賞
也

十有三年春復秋八月辛亥改元康平冬

康平元年八月十三改

十有四年春復秋七月講宸書仁王經冬

康平二年七月初十帝寫仁王護國經延
名德四日啓講席康暹法師爲講師

十有五年 康平三年

十有六年春復五月轉仁王經于豐樂院秋
冬

康平四年

十有七年 康平五年

十有八年春，夏六月，大僧正明宣寂。秋冬十月，慶春山實相院。十有二月，道后慶一乘寺。康平六年十二月，上東門院落慶二井一乘寺。道后何猶道皇也。

十有九年 康平七年

二十年春二月，慶讚金光明經于春山。夏五月，轉大般若經于宮中。仁王經于賀茂神祠。孔雀經于神泉苑。六月，釋成尊法事于神泉苑。秋八月己巳，改元治曆。僧正覺源卒。九月

慶讚白檀佛像講宸書妙法華經。冬十月，天皇幸法成寺。僧正覺圓加天。

治曆元年夏旱，詔台徒於賀茂神祠祈雨。時小蛇出神殿前，吐水氣。小雨便灑而不出數里。五月二十三，神泉苑讀經三日，不雨。六月十五日，詔成尊修法于神泉苑。一七日，第三日雨。凡修中三雨。八月，改元初二也。九月二十五，宮中設四日八座講慶讚宸金書經。上及釋迦三尊檀像薦先皇。

也十月十八法成寺復帝預落慶之人
二十有一年春夏秋冬十有一月復慶大宰
府觀世音寺沙門良尊為律師

治曆二年十一月詔大宰府慶觀世音寺
尋常復寺不書為書初觀世音寺火不
空冒索像不壞宰府奏之特旨復慶故書
此歲南京七大寺奏近世不賞三會已講
學業似廢是講徒之大患也因茲官良尊
于律師尊天喜二年講師也尊興廢中選

雖微書焉

二十有二年春復秋八月轉仁王經于天下
國分寺及諸州神祠冬十月天皇幸平等院
治曆三年八月天下諸州仁王會攘災也
十月幸宇治納封三百戶于寺

二十有三年春三月沙門性信修法于宮中
復四月信師聽牛車庚申天皇崩秋八月轉
寂勝王經于應天門冬

治曆四年四月十九帝崩八月初九應天

門轉經所造宮也

延久皇帝 第七十一号後三條 後朱雀二子

元年春正月復四月巳酉改元延久五月丞相藤公修大藏會于平等院秋七月御厨供菜蔬冬十有二月修仁王會

延久元年巳酉正月不書即位去歲七月二十一也帝長曆弟二子諱尊仁四月改元十三也五月太師藤賴通修一切經會至今不絕七月初二詔御厨止羶腥君子

曰昔梁武供菜蔬亦來未聞之矣古所謂佛心天子者吾皇之謂乎十二月二十仁王會一代也此歲當神宗熙寧二年也二年春三月大僧正明快寂夏秋冬十有一月獻佛舍利于天下神祠十有二月慶圓宗寺天皇幸之

延久二年十二月二十六圓宗寺成帝幸寺親營法事落慶之寺在仁和寺南莊麗冠都下

三年春正月轉經于尚書省夏六月設大會
千圓宗寺天皇幸之秋七月僧正長信賜封
戶冬

延久三年正月十六延一千沙門讀觀世
音經除疫也長信之封二十五戶

四年春夏秋九月僧正長信寂冬十月置法
華經會千圓宗寺天皇幸之十有二月供一
萬沙門壬午天皇禪位天皇太子

延久四年十月二十五帝願圓宗寺法華

會三井賴增為講師興福賴真問因明義
增不答真曰已當朝選何欠博涉增曰非
家學也況因明唯是破外執不言勝義諦
雜學駁論勝負云乎君子曰有得有失也
十二月初八讓位太子

△承保皇帝第七十二子白河院 後三條長子

元年春正月改元承保三月僧正行觀寂
五月太上皇祝髮秋七月冬十月
承保元年癸巳正月不書即位去歲十二

月二十九也。帝延久長子諱貞仁舊史延久六年甲寅八月二十三改元延久之五連帝之初年也。今以癸巳正月立元者寬平之例也。此歲當熙寧六年也。

二年春二月沙門惟信受封戶。復五月僧正靜圓寂。秋冬十有二月沙門勝範賴信為僧正。

承保二年二月性信之封二十五戶。

三年春復四月留宗沙門成尋獻方物。秋八

月釋性信祈日食。冬

承保三年四月成尋闢梨獻方物。宣有司議納不。八月朔日有食之。信公祈有應。乃上仁和寺北院為官寺。信公居也。

四年春夏六月慶睿山金剛壽院。秋冬

承保四年六月金剛壽院落先朝所創至此而成。

五年春夏秋冬十有一月甲子改元承曆。十有二月慶法勝寺。天皇幸之。

承曆元年十一月改元十七也十二月十
八帝幸慶法勝寺

六年春夏秋冬十月修大乘會平法勝寺天
皇幸之

承曆二年十月初六於法勝寺創大乘會
沙門暹敷為講師帝勅曰圓宗寺法華會
與此合為二會自今經二會講師當任僧
綱

七年春夏五月沙門義範修孔雀經法秋冬

十月天皇幸法成寺十有一月慶金峯山塔
承曆三年皇后姓焉五月二十七詔義範
加護範修孔雀明王法逾期無產範行散
事七月初九皇子平誕寬治帝是也散後
六日出猶言範効十月法成之幸慶二塔
之復也

八年

承曆四年

九年春二月丁卯改元永保三月停興福公
範寺發夏六月台徒燒園城寺秋冬十月僧

都禪範如字佐

永保元年二月改元初十也三月初五山
階寺衆燒多武峯寺始多武之奴打興福
奴興福之衆怒帥師入山焚院宇時公範
爲主務朝廷誅其亂統故止寺務六月初
九睿山衆燒三井寺初正月山奴辱寺奴
二奴皆大津之民分爲延曆園城戶籍寺
奴訟辱于山衆山衆不納卻告寺衆寺衆
曰自今莫爲山役至四月比睿神祀民戶

不供山役朝廷誘寺衆不聽於是山衆大
怒發師向三井寺衆嚴兵而待山衆不交
鋒而頒師至此大發兵入三井此回寺衆
不支山衆縱火堂宇皆灰敕字佐神宮建
塔十月成二十四詔禪範爲慶讚師尋常
僧都不書爲爲書褒範之應朝選時爲僧
都故書官貴之爲爲不書釋釋未也
十年春二月修寂勝會于圓宗寺夏秋七月
僧正信覺延修法寧

永保二年二月十九圓宗寺寂勝會明實
爲講師敕合前二會新立三會七月二十
八信覺修孔雀經法祈雨七日不雨覺奏
延修二七初仁和之性信有傳持孔雀經
覺借經置壇上修後七弟三日八月七太
雨降聽輦車曷爲不書覺之効雜也
十有一年春二月沙門性信爲特進夏秋冬
十月慶法勝寺層塔天皇幸之
永保三年二月仁和寺性信叙二品僧位

自信始十月初一法勝塔成座主良真慶
導尋常書塔無層今何書簡也曷爲簡法
勝之塔其層九級皇城無比故書層見簡
也

十有二年春二月丙子改元應德其秋九月
僧正信覺寂冬

應德元年二月七日改

十有三年春其五月天皇受妙法華經千沙
門增譽秋九月釋性信寂冬

應德二年五月初十帝召增譽於內寢受
法華

十有四年春夏秋冬十有一月庚辰天皇禪
位千皇太子

應德三年十一月讓位二十六也

元亨釋書卷第二十五

元亨釋書卷第二十六

濟北沙門 一師錄撰

資治表七

起寬治盡建
曆合十二君

△寬治皇帝

第七十三号堀河院白河二子

元年春正月夏四月戊子改元
寬治秋七月
冬十月

寬治元年丁卯正月不書即位去歲十二

月十九也帝承保第二子諱善仁四月
元初七也此歲當捨宗元祐二年也

二年春二月太上皇幸高野山夏秋冬十月

幸睿山

寬治二年二月上皇幸高野取路南都禮
東大興福寺佛二十七入金剛峯以布帛
賜寺衆宣僧都隆明啓白緇素傾聽又新
僧都寬意開弘法影堂作禮供養

三年春復五月太上皇宿睿山秋冬十月藤
相國詣長谷寺十有一月藤僕射師通詣近
州彦根山十有二月太上皇幸彦根山

寬治三年五月上皇在中堂一七日十月
相國藤公慶長谷寺丈六四天王木像十
一月僕射藤師通頃年耳不聰聞彦根山
觀自在靈感入山祈之自此殆聞關鐵十
二月上皇聞僕射之靈應幸山又得感應

四年春夏秋冬十月天皇幸清水寺

寬治四年帝宿清水寺一七日

五年春二月太上皇幸高野山夏五月大僧
正覺圓賜上首秋冬

寬治五年五月大僧正覺圓解印勅曰退
位且隨之然宮會不言復膺猶當居大僧
正之上首

六年春夏秋七月太上皇幸金峯山冬

寬治六年七月上皇幸金峯勅僧正隆命

慶讚宸書金字妙法華經及五部大乘經
因而施百袈裟千百沙門

七年

寬治七年

八年春夏秋冬十有二月壬午改元嘉保

嘉保元年十二月十五改

九年春夏秋八月僧正隆命賜封戶冬十有
一月賜御車

嘉保二年八月帝瘧隆命加愈賞封戶十
一月帝疾又加愈聽輦車帝賜御車賀拜

之日棄之

十年春正月釋經範奏修觀音供于清涼殿
夏秋八月太上皇祝髮冬十月受沙弥戒十
有二月辛酉改元永長

永長元年正月初承曆四年二月大内火
仁壽殿觀音供絕寬治六年僧都經範奏
法事之絕帝宣給事中成宗曰此供曩修
仁壽殿今殿未成何修之有範對曰昔我
祖弘法大師奏置此供今時仁壽爲常殿

故修于仁壽近世清涼爲常殿仁壽雖未
成清涼爲宜何以故當近帝居而修此供
因是而言假令仁壽成未如清涼之近密
矣給事復奏帝以範言爲然至此修于清
涼于今不絕俗曰二間供尋常此供不書
今何書又定賢奉勅修此供曷爲書範範
有四德故書復法事一也明故事二也辯
識三也功成不居四也功成不居何帝令
範修于清涼範舉同門定賢換也曷爲換

賢長於範也書奏見換也八月上皇出家十月受沙弥戒干隆命十二月改元十七也

十有一年春復秋冬十有一月辛未改元承德

承德元年十一月二十一改

十有二年春復四月大僧正覺圓寂秋七月天皇幸法勝寺拜佛冬

承德二年七月二十一帝幸法勝寺禮佛

幸拜常也曷爲書褒也曷爲褒法勝者太上皇承命于延父而所建也祝贊皇祚輔翼帝業皆是也辟新主即位先謁廟堂法勝之寺鎮護之宇新主之拜猶如彼褒帝之承先志故書然何暮士庶暮王者不暮十有三年春正月沙門覺行爲親王復秋八月戊戌改元康和冬

康和元年正月仁和寺覺行冊親王行承保之子皇子出家後爲親王自行始俗曰

法親王八月改元二十八也

十有四年

康和二年

十有五年

康和三年

十有六年春夏秋七月慶尊勝寺天皇幸之
沙門覺行爲特進八月戊子道后歡子崩冬
康和四年七月二十一尊勝寺成帝幸慶
之覺行之特進開眼導師賞也

十有七年春夏秋七月慶讚大藏經于法勝
寺冬

康和五年七月十三慶大藏經金書也

十有八年春二月甲寅改元長治三月尊勝
寺灌頂院成天皇幸之夏四月大僧正隆命
命聽牛車秋八月講宸書法華于宮中九月
大僧正隆命寂

長治元年二月改元初十也三月二十四
構灌頂院于尊勝寺修結緣灌頂仁和之
覺行爲大阿闍梨四月隆命牛車依加上
皇疾也八月宸書妙經啓八講席

十有九年春二月修八講于鳥羽宮。夏六月大僧正增譽聽牛車。秋冬

長治二年六月增譽牛車。依加帝疾也。

二十年春。夏四月庚午。改元嘉承。秋冬

嘉承元年四月初九。改

二十有一年春。夏秋七月癸卯。天皇崩。冬

嘉承二年七月十九。帝崩。

△天仁皇帝

弟七十四号鳥羽院堀河長子

元年春正月。夏四月秋八月甲辰。改元天仁。

冬十月

天仁元年戊子正月。不書即位。去歲十二月初一也。帝寬治長子諱宗仁。八月改元

二十七也。此歲當徽宗大觀二年也。

二年春正月。沙門範俊為僧正。夏秋冬

天仁二年

三年春夏五月。慶讚大藏經于法勝寺。天皇幸之。秋七月庚戌。改元天永。冬

天永元年五月十一。上皇慶金書大藏於

法勝寺帝預焉七月改元十三也

四年春夏五月置三十講于法勝寺秋冬

天永二年五月法勝寺三十講二十一也

五年春夏四月僧正範俊寂秋冬

天永三年

六年春夏四月追興福衆群秋七月己丑改

元永久冬

永久元年四月睿山與興福爭相徒悉寺
入都朝廷訝其多衆遣官使諭歸南衆不

肯與官使交鋒不書戰痛也七月改元十

一也

七年

永久二年

八年

永久三年

九年春夏五月沙門行算爲僧正秋冬

永久四年

十年

永久五年

十有一年春夏四月丙辰改元元永秋九月
太上皇慶讚大藏經于熊野神祠冬十有二

月慶寂勝寺天皇幸之

元永元年四月四改九月初七太上天幸
熊野山慶大藏上皇幸熊野已三面至此
有是慶十二月十七寂勝寺成帝從六宮
百司幸慶

十有二年

元永二年

十有三年春復四月庚辰改元保安秋冬

保安元年四月十改

十有四年春夏秋冬十有一月左僕射源俊

房薨

保安二年閏五月初二台徒燒園城不書
繁也公卿之薨多曷爲書源公深我也

十有五年春夏秋冬十有二月置薩頂院干
寂勝寺

保安三年十二月十五慶寂勝寺灌頂院
十有六年春正月壬午天皇禪位于皇太子
復秋冬

保安四年正月二十八禪位

天治皇帝

第五十五号崇徳院鳥羽畏子

元年春正月夏四月庚戌改元天治秋七月
冬十月太上皇幸高野山

天治元年甲辰正月不書即位去歲二月
十九也帝天仁長子諱顯仁四月改元初
三也此歲當宣和六年也

二年春正月大僧正寬助寂復五月僧正行
尊加大秋七月聽牛車冬天下放生

天治二年

三年春正月戊子改元大治復秋冬

大治元年正月二十二改

四年春正月沙門覺行爲儀同三司夏秋冬
十月兩太上皇幸高野山

大治二年正月覺行儀同太后寶塔慶讚
賞也十月兩上皇承保天仁也

五年春三月慶圓勝寺夏秋冬十月慶讚大
藏經于石清水太上皇幸之

大治三年三月圓勝寺慶十三也十月太

藏慶二十一也

六年春復秋冬十有一月停興福玄覺主務
大治四年十一月玄覺停務依衆擾也

七年春夏秋冬十月慶法金剛院

大治五年十月二十五法金剛院慶道覺
行也

八年春二月丙申改元天承復秋七月置八
講于法勝寺冬

天承元年二月二十九改七月法勝八講

薦承保帝國忌也

九年春三月慶得長壽院復秋八月戊戌改
元長承冬十月慶寶莊嚴院天皇幸之太上
皇幸高野山

長承元年三月得長壽院慶十三也八月
改元十一也十月寶莊嚴院慶初七也

十年

長承二年

十有一年春二月太上皇慶讚大藏經于法
勝寺

長承三年二月大藏經金書也常事不書
曷爲屢慶藏功大也

十有二年春二月大僧正行尊寂夏四月庚
午改元保延秋冬

保延元年四月二十七改

十有三年春三月慶勝光明院天皇幸之復
秋冬

保延二年三月二十三慶鳥羽勝光明院
導師忠尋咒願覺猷帝及太上皇六宮百

司皆預會

十有四年春正月沙門定海爲僧正二月沙
門玄覺爲僧正復秋冬十月慶安樂壽院

保延三年春海覺二僧正出焉近世僧正
不書曷爲二月二書異例也凡僧正有正
權正只一負二師皆正故書曷爲二正國
家皇子或自胎孕或潛藩咸以沙門神異
者祝祚及龍飛受大賞号曰御持僧海爲
帝御持正月爲正覺爲權在海前及海起

正興福寺衆七千人入京訟海超授因茲
二月覺爲正時有兩正南衆奏奪海復一
正朝廷不許優海之功也正負爲三自覺
始十月十九鳥羽安樂壽院覺行爲慶尊
聽牛車

十有五年春三月秬雨干鳥羽宮夏秋九月
太上皇宿睿山冬十月大僧正忠尋寂十有
一月僧正定海加大

保延四年二月二十三、四條離宮火二十

四二條宮火因茲三月十五詔定海修孔
雀經法于鳥羽宮十九朝天雨秬其色黑
時爲法効七月初十他中生一莖雙華蓮
又爲法効不書史失修者也九月二十六
上皇宿中堂一十七日十一月定海爲大僧
正醍醐徒海爲初
十有六年春夏秋冬十月慶成勝寺天皇幸
之

保延五年十月二十六成勝寺落

十有七年春夏秋冬

保延六年閏五月二十五台徒燒三井
十有八年春二月慶歡喜光院三月太上皇
祝髮夏秋七月丙午改元永治冬十有二月
辛未天皇禪位于皇太弟

永治元年二月二十一歡喜光院落三月
初十上皇出家法諱空覺受戒僧正信證
七月改元初十也十二月讓位初七也

△康治皇帝 第七十六号 近衛院 鳥羽二子

元年春正月復四月僧正信證寂辛卯改元
康治秋七月冬十月

康治元年壬戌正月不書即位去歲十二
月二十七也帝天仁弟六子諱體仁四月
改元二十八也此歲當高宗紹興十二年
也

二年春夏五月天仁太上皇受戒于東大寺
千睿山秋八月慶金剛勝院冬十月道皇次
睿山

康治二年五月十一上皇受戒東大寺十
二受戒台山八月初六金剛勝院落導師
覺興十月初三上皇次中堂次宿何異次
近宿父

三年春二月巳亥改元天養夏秋冬

天養元年二月十八改

四年春夏六月修仁王會百座干得長壽院
秋七月乙巳改元久安冬

久安元年七月二十一改

五年

久安二年

六年春夏六月道皇幸睿山秋八月慶弥陀
像干鳥羽宮冬

久安三年六月十七天仁天治二上皇幸
台山召座主行玄修七佛藥師法八月十
一營佛宇于鳥羽宮安弥陀九像慶之
七年春夏四月大僧正定海寂六月講宸書
法華經干鳥羽宮秋七月道皇幸法性寺冬
久安四年六月十六延名德于鳥羽講上

皇親書經王七月十七上皇幸法性寺常
行不書曷爲書藤丞相於法性寺延一百
沙門慶新宇上皇預會褒君臣趨法事也
八年春二月慶延勝寺天皇幸之復秋冬
又安五年三月二十延勝寺成皇帝上皇
從百僚幸慶導師行慶

九年

又安六年

十年春正月戊戌改元仁平復秋冬
仁平元年正月二十六改

十有一年春三月僧都覺任寂夏秋冬

仁平二年三月初一覺任逝小官不書曷
爲書褒也曷爲褒官修多也幾許修法一
萬日唱導六千座故書

十有二年春二月慶讚大藏經于熊野山夏
秋冬

仁平三年二月金書大藏慶者十四也
十有三年春夏秋八月慶金剛心院壬寅改
元又壽冬

久壽元年八月初九慶金剛心院改元二十一也

十有四年春復秋七月戊辰天皇崩冬久壽二年七月之崩二十三也

△保元皇帝第七十七号後白河鳥羽四子

鳥羽事元年春正月復四月戊戌改元保元秋七月天仁道皇崩冬十月

保元元年丙子正月不書即位去歲十月二十六也帝天仁第四子諱雅仁四月改

元二十七年也此歲當紹興二十六年也

二年 保元二年

三年春正月天皇幸法勝寺復秋八月戊戌天皇禪位于皇太子冬

保元三年八月十一之讓位也

△平治皇帝第七十八号二條院後白河長子

元年春正月復四月甲辰改元平治秋七月冬十月

平治元年巳卯正月不書即位去歲十二

月初一也帝保元長子諱守仁四月改元二十也此歲當紹興二十九年也

二年春正月己巳改元永曆二月皇太后落髮隻秋冬

永曆元年正月十改二月十七上西門院出家干法金剛院

三年春夏秋九月甲戌改元應保冬應保元年九月初五改

四年

應保二年

五年春三月庚申改元長寬夏秋冬

長寬二年三月二十九改六月初九台礎燒三井

六年春夏秋冬十月東大寺修萬僧會十有二月太上皇慶蓮華王院

長寬二年二月二十二興福寺衆於東大寺會一萬沙門讀壽命經祝聖也十二月蓮華王院之慶二十二也導師尋範

七年春夏四月太上皇宿睿山六月壬午改

元永万醴泉出千蓮華王院壬寅天皇禪位
于皇太子秋冬

永万元年四月二十三上皇宿台山一七
日六月改元初五也七日醴泉涌蓮華王
院西砌今尚為甘井讓位者二十五也

△仁安皇帝 年九号六條院 二條院長子

元年春正月復四月秋八月戊戌改元仁安
冬十月

仁安元年丙戌正月不書即位去歲七月

二十六也帝平治長子諱順仁八月改元
二十七也此歲當孝宗乾道二年也
二年春復秋冬十月沙門明雲為僧正

仁安二年

三年春二月壬子天皇禪位于皇太叔復秋
冬

仁安三年二月十九讓位

△嘉應皇帝 第八号高倉院 後白河二子

元年春三月保元太上天皇幸高野山夏四月

甲午改元嘉應六月太上皇祝髮秋七月冬十月

嘉應元年己巳正月不書即位去歲三月二十三也帝保元第三子諱憲仁四月改元初八也六月初七上皇出家法諱行真大僧正覺忠爲戒師此歲當乾道五年也二年春夏四月太上皇受戒于東大寺秋冬嘉應二年四月上皇受戒二十一也三年春夏四月乙巳改元承安秋九月停七

大寺讓受冬

承安元年四月二十一改九月止元七大寺師資讓受依興福寺衆請也

四年春三月沙門公顯爲僧正夏秋冬十月平太師清盛營法華道場

承安二年十月十五平太師營道場于福原修法華法道皇爲大阿闍梨

五年春夏秋冬十月慶寂勝光院天皇幸之承安三年十月二十一皇母建春門院慶

寂勝光院帝預會 六年 承安四年

七年春夏秋七月丁未改元安元冬

安元元年七月二十八日改

八年春夏四月道皇受戒于睿山秋冬

安元二年四月二十七日上皇受戒延曆寺

九年春夏五月僧正明雲配豆州六月賜赦

秋八月辛未改元治承冬十有二月天皇幸

蓮華王院

治承元年加州刺史師高其吏與台徒之

在郡者有爭吏治掠酷其徒訟台山台衆
奏謫師高官判緩之台衆喧訴師高之父
奏曰明雲為地時雲為座主實不然上皇
怒編管豆州五月雲發至近江台衆議曰
雲公無罪只是加州之讒耳又夫雲公無
咎受譴豈非貽吾台獄之耻乎我等赴湖
濱當奪而歸台衆恐事不就詣山王神祠
告志且曰神若容議願見感異時一童子
狂呼曰我是明神也我又患雲師之竄喜

大衆之議耳於是乎者宿五百餘人擲所持念珠千神前曰若所託不虛還珠於各主童子便掇散珠一一付之不有差悞因此台衆遂至粟津奪而歸台衆自山上接粟津帝又聞雲之無罪六月賜赦八月改元初四也十二月上皇慶蓮華王院塔帝幸之

十年

治承二年

十有一年

治承三年

清盛
燒大佛

十有二年春二月癸卯天皇禪位于皇太子
復六月遷都于攝州福原秋冬十有一月辛
未復都十有二月太師清盛燒南寺

治承四年二月讓位二十一也六月初二
平太師奉幼主遷都睿山大衆捧狀奏新
舊二京利害凡十七條褒舊貶新因此十
一月二十三翠華至自福原六月遷都
為不曰都城不成也實事四年之遷逾歲
易為不曰雖逾歲不成同初以仁皇子與

源光祿賴政謀伐平太師事發亡入三井
寺寺衆通書南京興福勳力助義南寺許
五月皇子以三井地狹赴南京太師發官
軍二萬追擊皇子皇子薨路南衆疾太師
挾幼主而行虐屢鼓弄太師太師大怒又
發官師討南衆南衆不降官師放火東大
興福遭延燎而燼書名去姓罪之也賴政
謀太師我輩助義有道乎君子曰楚失也
齋未爲得矣我輩聞命矣太師酷虐源公
也誅之何不得之有君子曰不善謀將之罪
也

△養和皇帝

第八十一号 安德天皇 高倉長子

元年春正月夏四月秋七月戊子改元養和
冬十月

養和元年辛巳正月不書即位去歲三月
二十二也帝嘉應長子諱言仁七月改元
十四也此歲當傳興八年也

二年春夏四月丁卯改元壽永秋冬

壽永元年四月二十七改

三年春復秋七月丙戌天皇如西州冬

壽永二年七月二十四平族奉帝出都

元曆皇帝

第八十二号後鳥羽院

高倉四子

元年春正月夏四月甲戌改元元曆秋七月
冬十月

元曆元年甲辰正月不書即位去歲七月
二十六也帝嘉應第四子諱尊成四月改
元十六也此歲當淳熙十一年也

二年春復秋八月甲子改元文治冬

文治元年八月十四改

三年

文治二年

四年春夏秋八月道皇灌頂于天王寺冬

文治三年八月二十二上皇從僧正公顯
灌頂

五年

文治四年

六年

文治五年

七年春復四月丁酉改元建久秋冬

建久元年四月十四改

八年春復秋冬

建久二年夏沙門榮西至自宋不書不奉詔也

九年

建久三年

十年

建久四年

十有一年

建久五年

十有二年春三月復慶東大寺天皇幸之夏秋冬問沙門榮西于相府

建久六年三月十二東大寺復先十一帝

從百僚幸南京源將軍賴朝嚴兵衛導師僧正覺憲咒願僧正勝憲常復不書曷為書大役也去歲興福之復亦大役也曷為不書君臣之異也此歲榮西辯相府言在傳中

十有三年

建久七年

十有四年

建久八年

十有五年春正月己酉天皇禪位于皇太子

復秋冬

建久九年正月十一讓位

正治皇帝

第八十三号土御門院

隱岐院長子

元年春正月夏四月戊子改元正治秋七月冬十月

正治元年巳未正月不書即位去歲三月三也帝元曆長子諱為仁四月改元二十一也此歲當寧宗慶元五年也

二年

正治二年

三年春二月甲午改元建仁復秋冬

建仁元年二月十三改

四年春復六月置台密禪于建仁禪寺秋冬

建仁二年六月尚書省劄賜沙門榮西置三宗建仁寺教授學者

五年

建仁三年

六年春二月甲寅改元元久夏秋冬

元久元年二月二十改

七年春三月監造建仁禪寺夏秋冬

元久二年京畿風流言集榮西榮西辯折
明切因是建仁爲官寺得監造事在傳中
八年春復四月戊寅改元建永秋冬
建永元年四月二十七改

九年春夏秋冬十月丁卯改元承元

承元元年十二月二十五改

十年 承元二年

十有一年 承元三年

十有二年春夏秋冬十有一月巳酉天皇禪

位于皇太弟

承元四年十一月二十五讓位

建曆皇帝第八十四号順德院 後鳥羽三子

元年春三月辛酉改元建曆復四月秋七月
冬十月

建曆元年辛未正月不書即位去歲十二
月二十八也帝元曆第三子諱守成三月
改元初九也此歲春沙門俊賴至自宋不
書不奉詔也ハツケモ當嘉定四年也

二年

建曆二年

三年春夏秋冬十有二月壬寅改元建保

建保元年十二月初六改

四年春夏秋冬

建保二年四月十六台徒燒園城

五年春夏秋七月壬戌中使問釋榮西寂冬

建保三年六月晦西公語衆曰孟秋初五

我當行都下喧傳帝聞之七月五遣中使

問之西對官使曰然然西無恙中使歸未

七月五日
榮西寂

入宮西寂

六年

建保四年

七年

建保五年

八年

建保六年

九年春夏四月丁巳改元承久秋冬

承久元年四月十二改

十年

承久二年

十有一年春夏四月甲戌天皇禪皇太子懷

成秋冬

承父三年四月二十太子受讓曷為不書
位六月東兵陷都七月初九廢之無即位
儀受禪不父而廢不列皇圖故書名

此志者則史記之八書也其者上所傳王臣士庶雖各行其道不統而明之則下愚者不得而辨故立八書以明之所謂八書者禮樂等也夫天下之為道雖有儒道揚墨之異蹈而行之者未嘗不推八者天下通法也所以是史之通書而後人則之也至漢書雖改書作志其意者一也書志訓同故後漢書及十七史又然也我門又有通書梁肅宗之三傳也其書朴畧不具史體故其後志豈足為私家之通書又台教有書名款門正統其中少有通書梁肅宗自宗無公義佛祖統紀繼而出雖情諸教至評判之宗執者陷鑑卷之覆徹是所以二書不通書也今此秋書備史作世之宗執所志者有十者無性相之禪密一代之通法靡不統而明之十者又皆有次序

元亨釋書卷第二十六

乞至各章而辨之矣初機投我門者未嘗容易与度先以學修習練或二年或三歲驗志之真偽然後与度也故以學修為十之初也學即心也佛之垂教有三乘有一乘一乘又多種法華楞伽華嚴等也此書之大作明一乘之通義故三學之融攝學修之提延不于尋常同以三乘之見謬妄議之矣

